




Falperra, 13
A Coruña

DOCUMENTO DE PRESENTACIÓN INICIAL



QUE COUSA É A REVOLTEIRA?



A Revolteira nace como alternativa colectiva e comunitaria a un sistema capitalista, colonial e heteropatriarcal que exclúe ás maiorías e avanza cara o colapso social e medioambiental dos nosos barrios, da nosa cidade, do noso país e do noso planeta.

Para isto, pon en marcha dúas ferramentas:

1. Un colectivo aberto e assembleario que aposta pola autonomía e o apoio mutuo desde e entre persoas que compartimos esta visión transformadora.

2. Un local de 400m2 no barrio da Falperra que funciona como punto de referencia e acollida destas loitas e procesos.

Desde esta organización e desde este local queremos converternos en espazo seguro para pensar, traballar e construír xuntas. E tamén para bailar e gozar cando se precise.

COMO NOS ORGANIZAMOS?



A Revolteira organízase en comisións de traballo autónomas e temáticas, que responden ás necesidades actuais do local e do colectivo:

Comisión de Obras
Comisión de Organización Interna
Comisión de Constitución e Contas

Ademais, e até o momento da presentación pública da Revolteira, a **Comisión de Posta en Marcha** é a encargada de levar a cabo todas as accións necesarias para iso: comunicación, ferramentas, programación, etc.

Os avances realizados nas comisións lévanse á **Asemblea**, que se reúne de xeito quincenal e toma as decisións en base ao consenso.



QUE QUEREMOS?



Querémolo todo. Queremos un espazo comprometido coas loitas e os cambios que precisa o noso mundo, pero tamén un lugar onde sentirnos seguras, acompañadas e felices.

As nosas experiencias fannos diferentes e conscientes dos sistemas de opresión e privilexio que articulan a nosa realidade. Por iso pretendemos **construír unha contorna habitable na que cuestionarnos e medrar de forma individual e colectiva** desde unha perspectiva interseccional que recolla as aprendizaxes e ferramentas dos feminismos, as loitas antirracistas, o movemento lgbtqi+, a loita de clases, os ecoloxismos, os movementos anticapacitistas, os activismos trans, os movementos autónomos de base e toda unha xenealoxía de resistencias que determinan e nutren o noso xeito de facer fronte ao presente.

Aspiramos a ser **un espazo onde poder imaxinar futuros posibles e alternativos ás narrativas reaccionarias e colapsistas que nos paralizan e desactivan.** Imaxinalos e camiñar cara eles.





QUE FACEMOS?

As liñas de traballo que botamos a andar na Revolteira son as seguintes:

1) Formación e autoformación. Conversas sobre dereito á cidadanía; presentación das accións doutros colectivos; roteiros sobre memoria do barrio e da cidade; obradoiros para nenos e nenas; ciclos de charlas internacionalistas; grupo de autoformación libertaria; aulas de teatro, boxeo, autodefensa feminista e antifascista, etc.

2) Dinamización do ocio e da cultura alternativa. Ciclo de concertos e exposicións para artistas locais; programa de cine fóruns; eventos lúdicos e culturais, etc.

3) Autoxestión económica. Posta en marcha dunha cooperativa que inclúa unha librería, editora e distribuidora.

4) Servizos para colectivos. Espazo aberto para traballo, reunións e asembleas, en base á participación aberta de organizacións e entidades que compartan visión transformadora.

5) Consumo alternativo. Un lugar onde propoñer e defender outras formas de relacionármonos coa nosa contorna e coa economía máis conscientes e responsables, como o cooperativismo, o ecoloxismo e o veganismo.

6) Sindicalismo de barrio. Xerar un tecido organizativo de base asemblearia co que desenvolver estratexias de autodefensa colectiva no tocante aos dereitos básicos (vivenda, alimentación...) das veciñas da Falperra.

